


Церковь мученика Иустина Философа
приход Православной церкви в Америке, Южной епархии.



ПОСЛЕДОВАНИЕ ПАНИХИДЫ



English: Phone: (904) 880 - 7671 | sjmooffice@bellsouth.net | st-justin-martyr.org
Russian: Тел: (904) 302-3213 | Email: info@RussianOrthodoxy.net

Адрес: 12460 Old St. Augustine Rd, Jacksonville, FL 32258-4113

www.RussianOrthodoxy.net

English: Phone: (904) 880 - 7671 | sjmooffice@bellsouth.net | st-justin-martyr.org
Russian: Тел: (904) 302-3213 | Email: info@RussianOrthodoxy.net

Адрес: 12460 Old St. Augustine Rd, Jacksonville, FL 32258-4113

www.RussianOrthodoxy.net

Иерей: Благословен Бог наш всегда, ныне и присно, и во веки веков.

Хор: Аминь.

Трисвятое по Отче наш

Чтец: Святыи Боже, Святыи Крепкий, Святыи Безсмертныи, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко твое есть царство и сила и слава, Отца и Сына и Святаго Духа, ныне и присно и во веки веков. Аминь

Чтец: Господи, помилуй. *(12 раз).*

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу. *(Поклон)*

Приидите, поклонимся и припадем Христу, Цареву нашему Богу. *(Поклон)*

Приидите, поклонимся и припадем Самому Христу, Цареву и Богу нашему. *(Поклон)*

(Псалом 90)

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словесе мятежна, плещма Своима осенит тя, и под криле Его надеешися: оружием обыдет тя истина Его. Не убоишися от страха нощнаго, от стрелы летящия во дни, от вещи во тме преходящия, от сряща, и беса полуденнаго. Падет от страны твоя тысяща, и тма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на Мя упова, и избавлю и: покрыю и, яко позна имя Мое. Воззовет ко Мне, и услышу его: с ним есмь в скорби, изму его, и прославлю его, долгою дней исполню его, и явлю ему спасение Мое.

Аллилуия, аллилуия, аллилуия, слава Тебе Боже *(Трижды)*

Дьякон: Помилуй нас Боже по велицей милости Твоей, молимся услыши и помилуй.

Хор: Господи помилуй *(Трижды)*

Еще молимся о упокоении душ усопших рабов Божиих *(имярек)*, и о еже простится им всякому прегрешению, вольному же и невольному.

Хор: Господи, помилуй *(Трижды)*.

Яко да Господь Бог учинит души их, идеже праведнии упокоются.

Хор: Господи, помилуй *(Трижды)*.

Милости Божия, Царства Небеснаго, и оставления грехов их, у Христа Безсмертнаго Царя и Бога нашего просим.

Хор: Подаи, Господи.

Господу помолимся.

Хор: Господи, помилуй.

Иерей: Боже духов и всякия плоти, смерть поправый и диавола упразднивый, и живот миру Твоему даровавый! Сам Господи, упокой души усопших рабов Твоих *(имярек)*, в месте светле, в месте злачне, в месте покойне, отнюдуже отбеже болезнь, печаль и воздыхание. Всякое согрешение, содеянное ими, словом, или делом, или помышлением, яко Благий Человеколюбец Бог прости, яко несть человек, иже жив будет и не согрешит, Ты бо един, кроме греха, правда Твоя правда во веки, и слово Твое истина. Яко Ты еси Воскресение, и Живот, и покой усопших рабов Твоих Христе Боже наш и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Дьякон: Премудрость

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу Тя величаем

Иерей: Слава Тебе, Христе Боже наш, слава Тебе

Хор: Слава Отцу и Сыну и Святому Духу и ныне и присно и во веки веков, аминь. Господи помилуй, Господи помилуй, Господи помилуй. Отче благослови.

Отпуст

Иерей: Живыми и мертвыми обладаяй, воскресый из мертвых, Христос истинный Бог наш, молитвами пречистыя своея Матери, святых славных и всехвальных апостол, преподобных и богоносных отец наших, и всех святых, души от нас преставльшихся раб своих *(имярек)* в селениях праведных учинит, в недрах Авраама упокоит, и с праведными сопричтет, и нас помилует, яко благ и человеколюбец.

Хор: Аминь.

Дьякон: Во блаженном успении вечный покой подаждь, Господи, усопшим рабом Твоим *(имярек)* и сотвори им вечную память.

Хор: **Вечная память** *(Трижды)*. Души их во благих водворятся и память их в род и род.

Запевы

Песнь 6: Житейское море, воздвигаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Запевы

Малая заупокойная ектения

Хор (Кондак, глас 8-й): **Со святыми упокой**, Христе, души раб Твоих, идеже несть болезнь, ни печаль, ни воздыхание, но жизнь безконечная.

Икос: Сам Един еси Безсмертный, сотворивый и создавый человека: земнии убо от земли создахомся, и в землю туюжде поидем, якоже повелел еси, Создавый мя и рекий ми: яко земля еси и в землю отыдеши, аможе вси человецы поидем, надгробное рыдание творяще песнь: аллилуиа, аллилуиа, аллилуиа.

Песнь 7: Росодательну убо пещь содела ангел преподобным отроком, халдеи же опаляющее веление Божие, мучителя увеща вопити: благословен еси Боже отец наших.

Запевы

Песня 8: Из пламене преподобным росу источил еси, и праведного жертву водою попалил еси, вся бо твориши Христе, токмо еже хотети, тя перевозим во вся веки.

Запевы (Вместо Славы - Благословим Отца и Сына и Святаго Духа, Господа)

Песнь 9: Бога человеком невозможно видети, на Него же не смеют чини ангельстии взирати: Тобою бо, Всечистая, явися человеком Слово воплощено, Егоже величающе, с небесными вой Тя ублажаем.

Запевы

Иерей: Богородицу и Матерь Света в песнях возвеличим.

Хор: Души и души праведных восхвалят Тя, Господи.

Хор (Катавасия): Бога человеком невозможно видети, на Него же не смеют чини ангельстии взирати: Тобою бо, Всечистая, явися человеком Слово воплощено, Егоже величающе, с небесными вой Тя ублажаем.

Чтец: Трисвятое, по Отче наш.

Хор: (Тропарь, глас 4-й): **Со духи праведных скончавшихся** души раб Твоих, Спасе, упокой, сохраняя их во блаженной жизни, яже у Тебе, Человеколюбче.

В покоищи Твоем, Господи, идеже вси святии Твои упокоеваются, упокой и души раб Твоих, яко Един еси Человеколюбец.

Слава: Ты еси Бог, сошедый во ад и узы окованных разрешивый, Сам и души раб Твоих упокой.

И ныне: Едина Чистая и Непорочная Дево, Бога без семени рождшая, моли спастися душам их.

Мирная ектения

Диакон: О свышнем мире, и о спасении душ наших, Господу помолимся.

О оставлении согрешений, во блаженной памяти преставльшихся

Хор: Господу помолимся *(на каждое прошение).*

О приснопамятных рабех Божиих *(имена)*, покоя, тишины, блаженныя памяти их.

О прости им всякое прегрешение вольное и невольное

О неосужденным предстати у страшнаго престола Господа славы

О плачущих и болезнующих, чающих Христова утешения

О отпуститися им от всякия болезни, и печали, и воздыхания, и

вселити их идеже присещает свет лица Божия

О яко да Господь Бог наш учинит души их в месте светле, в месте злачне, в месте покойне, идеже вси праведнии пребывают

О причтении их в недрах Авраама, и Исаака, и Иакова

О избавитися нам от всякия скорби, гнева, и нужды

Заступи, спаси, помилуй и сохрани нас, Боже, Твоею благодатию.

Милости Божии, царства небеснаго и оставления грехов испросивши тем, сами себе, друг друга, и весь живот наш Христу Богу предадим.

Хор: Тебе, Господи.

Иерей: Яко Ты еси воскресение, живот, и покой усопших рабех Твоих *(имя)*: Христе Боже наш: и Тебе славу возсылаем со безначальным Твоим Отцем и пресвятым и благим и животворящим Твоим Духом, ныне и присно, и во веки веков.

Хор: Аминь.

Дьякон: Глас осьмый, аллилуиа, аллилуиа, алилуиа.

Хор: Аллилуиа, аллилуиа, алилуиа.

Дьякон: Блажени, яже избрал и приял еси Господи

Хор: Аллилуиа, аллилуиа, алилуиа.

Дьякон: Память их в род и род.

Хор: Аллилуиа, аллилуиа, алилуиа.

Дьякон: Души их во благих водворятся

Хор (Тропарь, глас 8-й): **Глубиною мудрости** человеколюбно вся строяй, и полезное всем подаваяй, Едине Содетелю, упокой, Господи, души раб Твоих: на Тя бо упование возложиша, Творца и Зиждителя и Бога нашего.

Слава и ныне:

Тебе и стену и пристанище имамы, и Молитвенницу благоприятну к Богу, Егоже родила еси, Богородице Безвестная, верных спасение.

Тропари за упокой, глас 5-й

Благословен еси, Господи, научи мя оправданием Твоим.

Святых лик обрете источник жизни и дверь райскую, да обрящу и аз путь покаянием, погибшее овча аз есмь, воззови мя, Спасе, и спаси мя.

Благословен еси, Господи, научи мя оправданием Твоим. Агнца Божия проповедавшие и заклани бывше якоже агнцы, и к жизни нестареемей, святии; и присносущней преставльшеся: Того прилежно, мученицы, молитве долгов разрешение нам даровати.

Благословен еси, Господи, научи мя оправданием Твоим. В путь узкий хождшии прискорбный, вси в житии крест яко ярем взявшии и Мне последовавший верою, приидите насладитесь, ихже угодовах вам почестей и венцев небесных.

Благословен еси, Господи, научи мя оправданием Твоим. Образ есмь неизреченная Твоя славы, аще и язвы ношу прегрешений, ущедрю Твое создание, Владыко, и очисти Твоим благоутробием, и возжеленное Отечество подаждь ми, рая паки жителя мя сотворяя.

Благословен еси, Господи, научи мя оправданием Твоим. Древле убо от не сущих создавый мя и образом Твоим Божественным почтый, преступлением же заповеди, паки мя возвративый в землю, от неяже взят бых, но еже по подобию возведи древнею добротою возобразитися.

Благословен еси, Господи, научи мя оправданием Твоим. Упокой, Боже, рабы Твоя и учини я в раи, идеже лица святых, Господи, и праведницы сияют яко светила; усопшия рабы Твоя упокой, презирая их вся согрешения.

Слава Отцу и Сыну и Святому Духу.

Трисиятельное Единого Божества, благочестно поем вопиюще: Свят еси, Отче Безначальный, Собезначальный Сыне, и Божественный Душе; просвети нас, верою Тебе служащих, и вечного огня исхити.

И ныне и присно и во веки веков. Аминь.

Радуйся, Чистая, Бога плотию рождающая во спасение всех, Еюже род человеческий обрете спасение, Тобою да обрящем рай, Богородице Чистая, Благословенная!

Аллилуиа, аллилуиа, аллилуиа, слава Тебе, Боже. *(Трижды)*

Малая заупокойная ектения

Дьякон: Паки и паки миром Господу помолимся. Еще молимся о упокоении душ усопших рабов Божиих (имярек), и о еже простится им всякому прегрешению, вольному же и невольному.

Хор: Господи, помилуй.

Яко да Господь Бог учинит души их, идеже праведнии упокоются.

Хор: Господи, помилуй.

Милости Божия, Царства Небесного, и оставления грехов их, у Христа Безсмертного Царя и Бога нашего просим.

Хор: Подаи, Господи.

Иерей: Боже духов и всякия плоти, смерть поправый и диаво-

ла упразднивый, и живот миру Твоему даровавый! Сам Господи, упокой души усопших рабов Твоих (имярек), в месте светле, в месте злачне, в месте покойне, отнюдуже отбеже болезнь, печаль и воздыхание. Всякое согрешение, содеянное ими, словом, или делом, или помышлением, яко Благий Человеколюбец Бог прости, яко несть человек, иже жив будет и не согрешит, Ты бо един, кроме греха, правда Твоя правда во веки, и слово Твое истина. Яко Ты еси Воскресение, и Живот, и покой усопших рабов Твоих Христе Боже наш и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Хор (Седален, глас 5-й): **Покой, Спасе наш**, с праведными рабы Твоя, и сия всели во дворы Твоя, якоже есть писано, презирая яко Благ, прегрешения их, вольная и невольная, и вся яже в ведении и не в ведении, Человеколюбче.

Слава и ныне: От Девы возсиявый миру, Христе Боже, сыны света Тою показавый, помилуй нас.

Ирмосы канона, глас 8:

Песнь 1: Яко по суху пешешествовав Израиль, по бездне стопами, гонителя фараона видя потопляема, Богу победную песнь поим вопияше.

Запевы на песнях канона:

Иерей: Покой, Господи, души усопших раб Твоих.

Хор: Покой, Господи, души усопших раб Твоих.

Иерей: Слава Отцу и Сыну и Святому Духу.

Хор: И ныне и присно и во веки веков. Аминь.

Песнь 3: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Запевы

Малая заупокойная ектения

Хор (Седален, глас 6): **Воистину суета всяческая**, житие же сень и соние, ибо все мятется всяк земнородный, якоже рече писание: егда мир приобретаем, тогда во гроб вселимся, идеже вкупе цари и нищии. Темже Христе Боже, преставльшии упокой, яко человеколюбец.

Слава и ныне: Всесвятая Богородице, во время живота моего не остави мене, человеческому предстательству не ввери мя, но сама заступи и помилуй мя.

Песнь 4: Христос моя сила, Бог и Господь, честная церковь боголепно поет взывающи, от смысла чиста о Господе празднующее.

Запевы

Песнь 5: Божиим светом Твоим Блаже, утреннующих души любовию озари, молюся, тя ведети, Слове Божий, истинного Бога, от мрака греховного взывающа.